

# Canol Trefi Mannau Unigryw



## Canol Trefi - Mannau Unigryw



Man gwyrddach i fyw, gweithio ac ymweld



Caerffili



Coed Duon



Bargod



Rhisga



Ystrad Mynach

# Canol Trefi Mannau Unigryw

**Mae canol trefi'n chwarae rhan fwyfwy pwysig o ran llunio'r cymunedau maent yn eu gwasanaethu.**

**Mae'r mannau unigryw hyn nid yn unig yn diwallu anghenion siopa a gwasanaethau, ond maent hefyd yn darparu ffyrdd gwerthfawr i bobl gadw cysylltiad â'u cymuned.**

***Beth yw eu hapêl a pham ddylem ni ystyried canol trefi yn fannau unigryw?***

Mae'r dewis manwerthu yng nghanol trefi'n un eang, gyda chymysgedd o enwau cyfarwydd y stryd fawr a manwerthwyr annibynnol llai. Mae'r cyfuniad hwn yn rhoi profiad siopa arbennig i siopwyr. Hanfod manwerthu lleol llwyddiannus yw darparu ar gyfer holl anghenion y cwsmer, nid popeth y mae ei eisiau - mae yna wahaniaeth.

O bosibl, canfyddiad cyffredin yw mai siopau yw prif ddiben canol trefi, ond mewn gwirionedd mae eu hapêl yn llawer ehangach, gyda darpariaeth gwasanaethau'r un mor bwysig â manwerthu. Mae gallu manteisio ar amrywiaeth fawr o wasanaethau yn yr un man yn annog pobl i fynd yno ar wahanol ddyddiau o'r wythnos am wahanol resymau. Mae'r gwasanaethau sydd ar gael yng nghanol trefi'n cynnwys: Swyddfeydd Post, Optegwyr, Fferyllfeydd, Gwerthwyr Tai, Banciau, Cymdeithasau Adeiladu, Deintyddion, Siopau Trin Gwallt ac Undebau Credyd.

Mae gan ganol trefi draddodiad hir o fod yn fannau lle mae pobl yn mynd i gyfarfod â ffrindiau mewn caffis a bwytai. Mae'r twf ym mhoblogrwydd ffordd fwy Ewropeaidd o fyw wedi creu diwylliant caffi. Wrth i siopau coffi a chaffis osod eu byrddau a'u cadeiriau ar y palmant, mae trefi wedi datblygu awyrgylch mwy cyfandirol gan annog pobl i aros yn hirach a chymdeithasu.

Elfen bwysig arall o ganol trefi yw'r cyfleusterau cymunedol maent yn eu cynnig. Mae llyfrgelloedd, mannau addoli, clybiau a chymdeithasau i gyd yn chwarae rhannau pwysig ym mywyd tref a'i phobl.







Er mwyn deall pam y mae canol trefi'n unigryw, y cwbl mae'n rhaid i chi ei wneud yw ymweld â hwy ac edrych o gwmpas ar yr adeiladau sy'n rhan ohonynt. Maent yn adrodd hanes treftadaeth leol gyfoethog sy'n creu cyswllt i ymwelwyr â gorffennol diwylliannol a hanesyddol y dref. Caiff hanes datblygol cymuned ei adrodd trwy bensaerniaeth ganol y dref, ei chelfyddyd gyhoeddus a'r mannau amlwg ynddi.

Maent yn dathlu llwyddiannau a chyflawniadau, ond hefyd yn cofio cyfnodau o galedi a hyd yn oed adegau o golled. Mae'r emosiynau mae pobl yn eu teimlo trwy fod yn rhan o gymuned yn anodd iawn eu diffinio a bron yn amhosib i'w hail-greu. Gall canol trefi annog unigolyn i fod ag ymdeimlad o berchnogaeth a pherthyn i'r man lle mae'n byw.

I gloi, mae canol trefi'n parhau i fod yn ganolog i'r gymuned. Maent yn cyfuno arlwy amrywiol o siopau a gwasanaethau mewn lleoliad cyfleus, gan gynnig cysylltiad rhwng y nifer fawr o elfennau gwahanol sy'n creu cymuned. Y rhinweddau hyn sy'n gwneud canol trefi'n fannau unigryw, a'r conglfeini o ran adeiladu dyfodol llwyddiannus.

## Rheoli Canol Trefi

Yn y blynyddoedd diwethaf, canolbwyntiwyd o'r newydd ar ganol trefi gyda nifer o adroddiadau, erthyglau a rhaglenni teledu oll yn tynnu sylw at gyflwr strydoedd mawr Prydain. Mae cydnabyddiaeth gynyddol hefyd wedi bod o ran pwysigrwydd rheoli lleoedd.

O ganlyniad, mae bellach lawer mwy o werthfawrogiad a dealltwriaeth o'r gwahanol heriau sy'n wynebu'r sector cyhoeddus a'r sector preifat o ran adfywio canol trefi. Fodd bynnag, er y bu llawer iawn o feddwl strategol ynghylch dyfodol canol trefi, bu llai o bwyslais ar sut i'w rheoli'n effeithiol.

Mae Cyngor Bwrdeistref Sirol Caerffili wedi datblygu model Rheoli Canol Trefi ei hun ar gyfer 'Mannau Unigryw', sydd ar waith ym mhrif ganol trefi'r Fwrdeistref Sirol - Caerffili, Coed Duon, Bargod, Rhisga ac Ystrad Mynach. Ei nod yw ffocysu adnoddau presennol y Cyngor yn y canol trefi heb godi tâl ychwanegol ar fusnesau, gan ei wneud yn ddewis hyfyw yn lle'r broses Ardaloedd Gwella Busnes (AGB) fel ffordd o reoli canol trefi bach.

**Mae gan y model 'Mannau Unigryw' ddwy ffordd allweddol o gyflawni, un ar lefel weithredol a'r llall ar lefel hyrwyddo.**

## Gweithredol

Er mwyn mynd i'r afael â'r materion gweithredol ynghylch cynnal canol trefi, defnyddir dau ddull cyflenwi allweddol: Grwpiau Rheoli Canol Tref a Grŵp Gwella Canol Tref.

### 1 Grwpiau Rheoli Canol Tref (GRhCT)

Mae'r Grwpiau Rheoli Canol Trefi yn cyfarfod bob chwarter ac yn ystyried materion gweithredol yn ogystal â strategol, sy'n effeithio ar ganol y dref. Mae'r Grwpiau yn cynnwys rhanddeiliaid allweddol, grwpiau a gyfansoddwyd o gymuned ganol y dref, cynrychiolwyr o'r Cyngor Tref neu Gymuned a Chynghorwyr Lleol. Hefyd yn bwysig, maent yn gweithredu fel cyrff ymgynghori ym mhroses y Cyngor o wneud penderfyniadau.

### 2 Grŵp Gwella Canol Tref (GGCT)

Mae'r Grŵp Gwella Canol Tref yn weithgor seiliedig ar swyddogion, sy'n cyfarfod bob wyth wythnos.





Ei brif amcan yw datrys problemau cynnal a chadw yn y pum tref a reolir sy'n gyfrifoldeb y Cyngor. Mae'r Grŵp yn cynnwys cynrychiolwyr o wahanol adrannau'r Cyngor gan gynnwys: Priffyrdd, Cynllunio, Glanhau, Iechyd yr Amgylchedd, Parciau ac Adfywio.

Mae gan y rheolwyr sy'n mynychu'r Grŵp Gwella Canol Tref cyfrifoldeb staffio a chyllidebol sy'n eu galluogi i wneud penderfyniadau allweddol o fewn y cyfarfodydd. Mae Arolygwyr Heddlu'r sector a Chadeiryddion y Grwpiau Rheoli Canol Trefi hefyd yn mynychu'r cyfarfodydd, sy'n ymwneud ag Archwiliadau Amgylcheddol ar gyfer pob tref. Mae'r broses archwilio, a gydlynir gan y tîm Rheoli Canol Trefi, yn sicrhau bod ymrwymiad y Cyngor i gynnal, gwella a datblygu pob canol tref yn cael ei gynnal mewn modd atebol a thryloyw.

## Hyrwyddo

Ail agwedd ar y model 'Mannau Unigryw' yw hyrwyddo canol trefi fel cyrchfannau siopa a chyfleoedd busnes, ill dau. Gwneir hyn drwy ddefnyddio nifer o lwyfannau marchnata gwahanol.

**Dewiswch y**  
**STRYD FAWR**

Canol Trefi - Mannau Unigryw

Mae dyfodiad y rhyngwrdd ac ehangiad archfarchnadoedd wedi newid patrymau gwario defnyddwyr yn sylweddol. Er mwyn annog pobl i siopa'n lleol, creodd y Cyngor y brandio 'Dewiswch y Stryd Fawr'.

Drwy gyfres o fentrau, mae'r brandio yn hyrwyddo pwysigrwydd siopa'n lleol a chefnogi siopau annibynnol.

## Y Wefan

Mae gwefan Dewiswch y Stryd Fawr yn gweithredu fel porth un-stop ar-lein ar gyfer cymorth busnes canol tref. Mae'r safle'n cynnwys straeon newyddion a gwybodaeth am fusnesau mewn pum canol tref a reolir yn y Fwrdeistref Sirol. Mae hefyd yn cynnwys ystod o fanylion am waith Rheoli Canol Trefi yn cefnogi busnesau o fewn canol trefi.

[www.choosethehighstreet.com](http://www.choosethehighstreet.com)

## DDOE A HEDDIW

Mae'r fenter 'Ddoe a Heddiw' yn ceisio ailgysylltu pobl gyda'u chanol y dref leol mewn modd emosiynol, cymdeithasol ac economaidd.

Fel rhan o hyn, mae cyfres o luniau hanesyddol pob canol tref wedi cael eu lanlwytho ar

[www.choosethehighstreet.com](http://www.choosethehighstreet.com)

oriel



Er mwyn defnyddio unedau gwag yng nghanol y trefi, ceisiwyd am gytundeb gyda landlordiaid ac asiantau eiddo i osod arddangosfeydd dros dro o luniau a gwaith celf mewn ffenestri siopau. Mae'r fenter 'Oriellau Dros Dro' wedi'i gynllunio i wella delwedd weledol y stryd, cynyddu nifer yr ymwelwyr a gwneud yr unedau gwag yn fwy deniadol i ddarpar denantiaid.

# Dewiswch y STRYD FAWR

Canol Trefi - Mannau Unigryw



Gelwir menter arall a ddatblygwyd yn 'Storiâu'. Mae'r prosiect yn nodi straeon y bobl y tu ôl i wynebfwrdd y siop gyda 'straeon' yn cael eu llwytho ar y wefan 'Dewiswch y Stryd Fawr'. Y syniad yw canolbwyntio ar unigolion a'u stori busnes er mwyn tynnu sylw at yr amrywiaeth eang o siopau ar draws y pum canol tref. Y gobaith hefyd yw y bydd y straeon hyn yn ysbrydoli pobl a allai fod yn meddwl am ddechrau eu busnes eu hunain.

## Manwerthu Nadolig

Bob blwyddyn yn y cyfnod cyn y Nadolig, mae'r Tîm Rheoli Canol Tref yn cynhyrchu Llyfryn Taleb Nadolig. Nod y cynllun yw darparu busnesau gyda'r cyfle i gipio gwariant defnyddwyr yn ystod cyfnod y Nadolig a marchnata'r dewis manwerthu amrywiol a geir yng nghanol y trefi.

Mae'r Llyfrynau Talebau, sy'n cynnwys cynigion gan fusnesau lleol, yn cael eu dosbarthu mewn archfarchnadoedd a llyfrgelloedd lleol.



## Cyfleoedd Busnes

Un o'r ffyrdd i dynnu sylw at ganol trefi fel cyfleoedd buddsoddi busnes yw darparu ymholiadau busnes newydd gyda chymaint o wybodaeth ag y bo modd pan fyddant yn gwneud eu hymholiad cychwynnol.

Mae rhan o hyn, 'Cyfeiriadur Eiddo' ar-lein, wedi'i ddatblygu i restru pob eiddo sydd ar werth neu ar osod ym mhob tref. Mae'r adnodd ar-lein yn rhoi manylion yr asiant a llun o'r siop y gellir ei gweld ar wefan Dewiswch y Stryd Fawr y Cyngor.

Gall ddarpar busnesau posibl hefyd cael mynediad at wybodaeth a fydd yn eu cynorthwyo i ddewis tref addas a sicrhau cyllid. Mae hyn yn cynnwys adroddiadau CACI, mapiau amser gyrru a data nifer yr ymwelwyr, pob un ohonynt yn cael eu darparu gan y Cyngor i annog buddsoddiad yn y canol trefi.

## Siopau Dros Dro

Er mwyn helpu sefydlu siopau neu brosiectau cymunedol dros dro mewn unedau gwag, mae 'Canllaw Siopau Dros Dro' wedi cael ei gynhyrchu sy'n esbonio'r cysyniad ac yn amlinellu'r broses i sefydlu'r fath beth.



Mae'r canllaw ar gael ar gais fel PDF drwy e-bostio [manwerthu@caerffili.gov.uk](mailto:manwerthu@caerffili.gov.uk), ac mae hefyd yn lawrlwytho yn [www.choosethehighstreet.com](http://www.choosethehighstreet.com)

# TOWN CENTRE Gazette

## Newyddion Canol Trefi

Mae cadw busnesau hefyd yn cael ei weld fel rhan bwysig wrth leihau cyfraddau swyddi gwag ac er mwyn cefnogi manwerthwyr caiff 'Newyddion Canol Trefi' eu cynhyrchu'n rheolaidd. Mae'r cylchlythyr, sydd yn bwrpasol ar gyfer pob canol tref, yn cael ei bostio i bob busnes ac yn eu cadw'n hysbys am faterion sy'n effeithio ar eu tref ac eraill ar draws y Fwrdeistref Sirol.



## Cyfrifwyr ymwelwyr

Mae Cyngor Bwrdeistref Sirol Caerffili yn casglu data cerddwyr yn electronig drwy gyfrifwyr ymwelwyr sy'n cael eu gosod mewn lleoliadau amlwg ym mhob canol tref. Mae'r cyfrifwyr yn cael eu darparu gan 'PFM FootFall Intelligence' ac yn mesur nifer y bobl ar y brif stryd siopa 24 awr y dydd, saith diwrnod yr wythnos.

Mae adroddiadau wythnosol gan 'PFM FootFall Intelligence' yn dangos sut mae hyn yn cymharu â chyfrif yr wythnos flaenorol, yr wythnos gyfatebol yn y flwyddyn flaenorol a ffigwr meincnod Canol Trefi Cenedlaethol. Caiff crynodeb o'r data ymwelwyr wythnosol ei e-bostio allan bob wythnos gan ddefnyddio system GovDelivery i unrhyw un sydd wedi cofrestru drwy wefan y Cyngor.

## Safleoedd Hyrwyddo

Mae mannau hyrwyddo dynodedig wedi cael eu creu yn y canol trefi, ac mae rhai gyda'i chyflenwad

pŵer ei hun. Mae'r safleoedd hyn yn rhoi i'r Cyngor ffordd o fynd ati i reoli busnesau ac elusennau sydd am ddefnyddio canol trefi i hyrwyddo'u gweithgareddau. Mae'r safleoedd yn cael eu harchebu drwy'r tîm Rheoli Canol Trefi ebostiwrch: [canoltrefi@caerffili.gov.uk](mailto:canoltrefi@caerffili.gov.uk)

## Digwyddiadau

Mae gan y Cyngor raglen o ddigwyddiadau drwy gydol y flwyddyn er mwyn helpu a chefnogi busnesau manwerthu ac arddangos y Fwrdeistref Sirol i ymwelwyr. Mae llawer o'r digwyddiadau hyn yn cynnwys cau ffyrdd y prif strydoedd siopa'n gyfan gwbl ac yn cynnwys marchnadoedd stryd yn y lle sydd felly newydd ei greu i gerddwyr.

## Deddf Llesiant Cenedlaethau'r Dyfodol (Cymru)

Nod y Ddeddf, sydd wedi cael ei chyflwyno gan Lywodraeth Cymru, yw cael effaith gadarnhaol ar les cymdeithasol, economaidd, amgylcheddol a diwylliannol cymunedau lleol yng Nghymru. Canol trefi yn ffurfio canolbwynt allweddol ar gyfer cyflwyno'r saith Nod Lles a nodir yn y Ddeddf.



Mae'r Cyngor wedi chwarae rhan wrth sefydlu Fforwm Rheoli Lleoedd. Mae hwn yn grŵp rhwydweithio anffurfiol sy'n cynnwys rheolwyr lleoedd ac ymarferwyr o awdurdodau lleol, cwmnïau AGB a swyddogion Llywodraeth Cymru. Mae'r grŵp yn defnyddio ffin ddaearyddol Rhanbarth Prifddinas Caerdydd er mwyn dangos parodrwydd i weithio'n rhanbarthol. Mae ei gyfarfodydd chwarterol yn ystyried materion yn ymwneud â chanol trefi a dinasoedd yn Ne Cymru.



# Caerffili

**Caerffili yw'r dref fwyaf yn  
y fwrdeistref sirol ac yn ganolfan  
is-ranbarthol.**

Mae'r dalgylch ar gyfer y dref yn cynnwys Senghenydd, Abertridwr, Llanbradach, Bedwas, Tretomos, Machen, Rhydri, Tŷ'n-y-coedcae a Draethen. Mae gan yr ardal hon boblogaeth o tua 53,000.

Mae Caerffili yn gyrchfan twristiaeth boblogaidd, oherwydd presenoldeb Castell Caerffili, sef yr ail gaer fwyaf yn Ewrop sydd wedi ei lleoli yng nghanol y dref. Mae gan Gaerffili ddwy ardal siopa, ill dau yn darparu math gwahanol o siopa.

Mae Canolfan Siopa Cwrt y Castell, sydd yn uniongyrchol gyferbyn â'r castell, yn gartref i amrywiaeth eang o aml-fanwerthwyr gan gynnwys: Morrisons, Argos, WH Smith, Boots a Costa Coffee. Mae Heol Caerdydd yn ardal siopa mwy traddodiadol sy'n cynnwys llawer o'r manwerthwyr annibynnol yng Nghaerffili, bob yn ail ag enwau cyfarwydd y stryd fawr, gan gynnwys: Peacocks, Superdrug, Sports Direct ac Iceland.

Mae trigolion lleol ac ymwelwyr wedi elwa o gyfleuster llyfrgell a chymunedol newydd yng nghalon ganol y dref. Mae'r cyfleuster modern, gwerth miliynau o bunnoedd, wedi cael ei rhan-ariannu gan y Cyngor a Llywodraeth Cymru ac yn galluogi mynediad hawdd i ystod eang o wasanaethau Cyngor yn ychwanegol at lyfrgell fodern.


Mae agosrwydd Caerffili i faestrefi gogleddol Caerdydd yn caniatáu i'r dref cael ei marchnata i sylfaen cwsmeriaid ehangach o lawer ac mae ei chymeriad hanesyddol yn ei gwneud yn ddewis amgen gwirioneddol i brofiad y ddinas fawr.



Canolfan Siopa Cwrt y Castell



Castell Caerffili



Heol Caerdydd



Llyfrgell Caerffili





Tref a Chastell Caerffili







Sinema Maxime



Y Stryd Fawr



Sefydliad y Glowyr Coed Duon



Y Stryd Fawr

# Coed Duon

**Coed Duon yw ail dref fwyaf y fwrdeistref sirol ac yn un o'r ddwy ganolfan is-ranbarthol.**

Mae gan y dalgylch boblogaeth o tua 34,000 ac mae'n cynnwys Argoed, Cefn Fforest, Penmaen, Pengam, Pontllan-fraith ac Ynys-ddu. Mae nifer o adwerthwyr lluosog yn bresennol yng nghanol tref Coed Duon, gan gynnwys: Argos, Wilko, Costa Coffee, Peacocks, Boots, Iceland, B & M Bargains, Superdrug a Poundland, yn ychwanegol at Sinema Maxime sydd â phum sgrin.

Mae'r dref hefyd yn cynnig dewis eang i siopwyr o fanwerthwyr annibynnol, gan wneud ystod ac amrywiaeth ei gynnig o ran manwerthu i fod yn gryfder ei apêl.

Yn ystod y blynyddoedd diwethaf, mae Coed Duon wedi gwella'n ddramatig ei seilwaith trafndiaeth ar ôl gweld adeiladu Ffordd Fenter Sirhywi a Phont y Siartwyr eiconig. Mae'r ffordd newydd bellach yn cysylltu canol y dref gyda Pharc Busnes Oakdale a chymunedau Pen-y-fan ac Oakdale, yn agor y dref i 5,000 o gwsmeriaid ychwanegol posibl.

Mae Coed Duon wedi hir fod yn gyfnewidfa ar gyfer llwybrau bysiau o bob cwr o Gymoedd De-ddwyrain Cymru ac mae adeiladu'r Gyfnewidfa Gorsaf Fysiau gwobrwyol wedi cynyddu hygyrchedd y dref i bobl o'r ardal gyfagos. Mae'r buddsoddiadau newydd yn gwneud Coed Duon yn ddewis deniadol i fuddsoddwyr sy'n edrych i leoli eu hunain yng Nghymoedd y De-ddwyrain.

Mae datblygiadau sector preifat o ddau barc manwerthu, a leolir ar ddau ben canol y dref, wedi creu cyfleoedd newydd ar gyfer manwerthwyr sy'n chwilio am bresenoldeb yn ardal Cymoedd y De-ddwyrain.

Pont y Siartwyr







Heol Hanbury

# Bargod

**Bargod, sydd wedi'i leoli yng Nghwm Rhymni, yw'r dref fwyaf gogleddol o'r prif ganolfannau manwerthu.**

Dyma'r drydedd dref fwyaf ar ôl y canolfannau isranbarthol Caerffili a Choed Duon a'r fwyaf o'r pedwar canolfan ardal. Mae'r dalgylch ar gyfer y dref yn cynnwys Rhymni, Fochriw, Pontlotyn, Abertyswg, Deri, Tredegar Newydd, Aberbargod a Gilfach, gyda phoblogaeth gyfunol o dros 26,000.


Mae gan y cyn-dref lofaol nifer o fanwerthwyr lluosog, gan gynnwys: Original Factory Shop, Poundworld, Peacocks, Dorothy Perkins, Burtons, Greggs a Subway, yn ogystal ag ystod dda o fusnesau annibynnol bach.

Yn y blynyddoedd diwethaf mae'r Cyngor wedi cynnal prosiect adfywio uchelgeisiol ym Margod o'r enw y 'Syniad Mawr'. Mae hyn yn cynnwys nifer o elfennau gwahanol, gan gynnwys y ffordd newydd, gwerth £25 miliwn - Ffordd yr Angel - a adeiladwyd yn 2009 a gorsaf fysiau a chyfleuster parcio a theithio newydd ger yr orsaf drenau bresennol.

Rhan arall o'r 'Syniad Mawr' oedd trosi Eglwys y Bedyddwyr Hanbury i fod yn lyfrgell, uned adnoddau hanes lleol, cyfleuster Cwsmer yn Gyntaf a man addoli. Roedd y prosiect gwobrwyol yn bartneriaeth rhwng y Cyngor a Chymdeithas Tai Unedig Cymru.

Drwy gydol canol y dref mae cynllun tir y cyhoedd cynhwysfawr wedi trawsnewid y dref gan ddefnyddio'r cysyniad o 'gofod a rennir' er mwyn creu amgylchedd siopa cyfoes, sy'n cydbwysio mynediad i gerbydau a dosbarthu nwyddau llawn gyda'r angen am fwy o ryddid i gerddwyr.

Yn olaf, cafodd llwyfandir adwerthu newydd ei adeiladu a siop Morrisons wedi cael ei adeiladu, sy'n cysylltu cynllun manwerthu Sgwâr Lowry gyda'r stryd fawr bresennol. Mae hyn yn cynnwys wyth uned manwerthu newydd a osodwyd ar sgwâr cyhoeddus newydd, ac mae tenantiaid yn cynnwys Poundworld, Greggs a Subway.



Llyfrgell Bargod



Sgwâr Lowry



Sgwâr Hanbury











Parc Tiroedd Tredegar



Stryd Tredegar



Llyfrgell Palas Rhisga



Y Stryd Fasnachol

# Rhisga

**Mae Rhisga wedi'i lleoli mewn ardal hardd yn ne-ddwyrain y Fwrdeistref Sirol.**

Mae'r dref yn gorwedd mewn dyffryn eang a amgylchynir gan fryniau serth llawn coedwigoedd. Mae'n agos at Goedwig Cwmcarn, sy'n cynnig rhywbeth ar gyfer y teulu cyfan a gellir ei harchwilio ar feic neu ar droed.

Caiff ei ffinio gan Gamlas Sir Fynwy ac Aberhonddu ar un ochr ac Afon Ebwy ar y llall. Mae'r dref yn buddio o'i hagosrwydd at yr M4 ac mae ganddi gysylltiadau rheilffyrdd da. Mae gorsaf reilffordd newydd wedi'i hadeiladu yn Rhisga yn dilyn ail-agor llinell Rheilffordd Glyn Ebwy ar gyfer trafnidiaeth i deithwyr ac mae bellach yn darparu cymudwyr gyda gwasanaeth bob awr i mewn i ganol dinas Caerdydd.

Manwerthwyr annibynnol bach yn bennaf sydd yno, sy'n rhoi i Rhisga naws tref farchnad fechan. Mae siop fwyd Lidl wedi'i lleoli yng nghanol y dref ac archfarchnad Tesco wedi'i hadeiladu ar hen safle tir llwyd. Mae'r siop â chysylltiad i ganol y dref gyda phont droed dros Afon Ebwy.

Yn y blynyddoedd diwethaf, bu buddsoddiad newydd sylweddol yn y dref gyda'r cyn adeilad Sinema'r Palas yn cael ei ailddatblygu'n gyflawn. Mae'r adeilad wedi'i ailgyflunio ac yn cadw ffasâd hanesyddol y sinema wreiddiol ac yn awr mae'n cynnwys llyfrgell gyda chyfleuster Cwsmer yn Gyntaf.

Mae gan ganol tref Rhisga y fantais o gael Parc Tiroedd Tredegar wedi'i lleoli yn ganolog sy'n darparu ardal chwarae i blant a hefyd yn safle digwyddiad pwrpasol, y gellir ei ddefnyddio gan y gymuned leol i gynnal digwyddiadau.




Parc Tiroedd Tredegar







Arcêd Jones



Ysbyty Ystrad Fawr



Heol Bedwlwyn



Heol Penallta

# Ystrad Mynach

**Caiff Ystrad Mynach ei hadnabod yn lleol fel 'y pentref' ac mae'n tynnu ar ddalgylch sy'n cynnwys cymunedau Ystrad Mynach, Maes-y-cwmwr, Llanbradach, Gelligaer a Hengoed.**

Un o nodweddion mwyaf sydd gan Ystrad Mynach yw ei synnwyr o le penodol. Mae cyfluniad y strydoedd yn creu canolbwynt manwerthu wedi'i diffinio'n glir, sy'n cynnwys manwerthwyr annibynnol bach, wedi'u cymysgu â gwasanaethau, gan gynnwys banciau, siopau trin gwallt, llyfrgell, eglwysi a Swyddfa Bost. Wedi ei leoli ar gyrion canol y dref, gyda chysylltiadau da i gerddwyr mae dwy archfarchnad, sef Lidl a Tesco.

Mae'r ardal o gwmpas Ystrad Mynach wedi gweld cwblhad nifer o brosiectau allweddol dros y blynyddoedd diwethaf sydd wedi trawsnewid yr ardal. Caiff prif swyddfeydd Cyngor Bwrdeistref Sirol Caerffili bellach eu lleoli ar hen safle diwydiannol yn agos at ganol y dref fel rhan o Barc Busnes Tredomen.

Mae ysbyty newydd, Ysbyty Ystrad Fawr a Chanolfan Rhagoriaeth Chwaraeon, ill dau wedi eu hadeiladu i'r de o'r dref, yn agos at gampws Coleg y Cymoedd sydd â 13,000 o fyfyrwyr. Fel rhan o'r datblygiadau hyn, mae buddsoddiad sylweddol wedi ei wneud yn y seilwaith priffyrdd sy'n agor i fyny'r dref i ddalgylch llawer ehangach.

Mae Parc Gwledig Parc Penallta wedi ei leoli ger y dref ac yn cynnwys dros 180 hectar o dir. Mae'r parc yn cynnal amrywiaeth eang o weithgareddau awyr agored a digwyddiadau arbennig gan gynnwys gwyliau cerddoriaeth a chynrychiadau theatr awyr agored.

Adeiladau'r Pierhead







ddeall yn glir gan yr Awdurdod Lleol. Nod y gwasanaeth Rheoli Canol Trefi yw gwella, cynnal a hyrwyddo pum brif ganol tref y Fwrdeistref Sirol fel mannau unigryw. Cyflawnir hyn drwy fynd i'r afael ag anghenion strategol a gweithredol y canol trefi mewn ffordd gydgyssylltiedig ac atebol drwy fodel Rheoli Canol Trefi 'Mannau Unigryw' y Cyngor.

Mae pwysigrwydd canol trefi o ran cyflogaeth a darpariaeth gwasanaeth i'r economi ranbarthol ehangach Bwrdeistref Sirol Caerffili yn cael ei

**[www.Caerffili.gov.uk](http://www.Caerffili.gov.uk)**

